

առաջարկութեանը միջնորդ դատարանի մասին:

Ասում են, որ իշխան Բիսմարկ ծագում է այն հանգստութիւնը, որով Ֆրանսիական կառավարութիւնը վերաբերում է յունական գործերին: Ինչպէս երևում է, գերմանական և աւստրո-ունգարական կառավարութիւնները առաջարկել են պետութիւններին ի նկատի ունենալով թիւրքի վերջին շրջաբերականը, նորից բանակցութիւններ սկսել Բ. Գրան հետ, որպէս զի նա վերջնականապէս որոշէ այն զինուորների շափը, որ նա անելու է յօգուտ Յունաստանի: Այդ առաջարկութիւնը ընդունված է պետութիւններից, իսկ անգլիական մինիստրութիւնը յայտնեց համայնքների ժողովին, որ Անգլիան համաձայնել է յիշեալ առաջարկութեան հետ:

Աւստրո-ունգարական գերմանացիները և ունգարացիները շարունակ ընդդիմադրում են կոմս Տապիէի մինիստրութեանը: Քայտնի է, որ աւստրո-ունգարական սահմանադրութիւնը գերմանացիներին և ունգարացիներին մի առանձին առաւելութիւն է տալիս միւս ազգութիւնների դէմ: Այդ է պատճառը, որ Աւստրիայի հպատակ գերմանացիները և ունգարացիները այժմեան սահմանադրութեան եռանդոտ պաշտպաններ են: Այդ կուսակցութիւնը աւստրիական սահմանադրական լեզուով անուանվում է ազատամիտ, ձգտում է պահպանել սահմանադրութիւնը, թշնամաբար է վերաբերում Աւստրիայի սլավոնական ազգութիւններին և աշխատում է, որ նրանք գերմանացիների և ունգարացիների հետ հաւասար իրաւունքներ չունենան: Նոյն կուսակցութիւնը անուանվում է կենտրոնական, իսկ այժմեան սահմանադրութեան թշնամի սլավոնների ներկայացուցիչները անուանվում են յետադիմականներ:

Յետադիմական կուսակցութեան կարծիքով, ազատամիտ—կենտրոնական կուսակցութիւնը ձգտում է գերմանացիներին երկրի բոլոր ազգաբնակչութիւնը, իսկ վերջինները երկրի և կրում, որ սլավոնները, յետադիմականները, չը քննադատեն նրանց քաղաքական առաւելութեանը:

Հասկանալի է ուրեմն, թէ գերմանացիները և ունգարացիները մինչև ո՞ր աստիճան թշնամաբար պետք է վերաբերվին Տապիէի մինիստրութեանը, որ ոչ թէ միայն չէ հաշտւում սլավոններին, այլ ձգտում է նրանց հետ բարեկամութիւն հաստատել և երկրի զլխաւոր նշանակութիւն է համարում նրանց: Իսկակապէս կոմս Տապիէ չէ կամենում փոփոխել այժմեան սահմանադրութիւնը, այլ յարաբերութիւն ունի չիտիի հետ, հասկանում է և խոստովանվում է, որ սլավոնները զրկված են և այսօրեան բաւական է ազատամիտ-կենտրոնական կուսակցութեան համար, որ նա այդ մինիստրին իր թշնամի համարի:

ՆԱՄԱԿ ՖՐԱՆՍԻԱՅԻՆ

Փարիզ, յունվարի 6

Նրէկ կատարվեցաւ պարոն Բլանքի (Blanqui) թղթման հանդէսը, որը կարծ ժամանակի հիւանդութիւնից յետոյ կնքեց կեանքը թողնելով իր սկսած գործը անկատար—վերականգնել կոմունան ամբողջ Ֆրանսիայում: Այս պարոնը 1871 թ.ին առաջին և յանդուգն գործողներից մէկն էր: Կոմունիստները յաղթվելով հասարակականությանը, ցրվեցան Եւրոպայի ամեն կողմերը, իսկ որոնք բռնկվեցան բոլորը աքսորվեցան Նոր-Կալէդոնիա և այլ հեռավոր տեղեր: Սրանցից շատերը ոչնչացան չը կարողանալով տանել անսովոր օդը և թշուառութիւնը օտարութեան մէջ: Բայց երբ Ֆրանսիական կառավարութիւնը

նրեց սրանց յանցանքը 1878 թ., մեծ մասը վերադարձան, որոնց Փարիզը ընդունեց մեծ ուրախութեամբ և օգնեց առատութեամբ կարօտեալներին: Սրանք փոքր ժամանակից յետոյ կազմեցին բազմաթիւ ընկերութիւններ և ունեցան չուտով սեպական լրագրիներ: Այս լրագրիներից մէկն էր «Ni Dieu, ni maitre», որ դուրս էր գալիս ամեն օր Բլանքիի խմբագրութեամբ: Բայց բաժանորդներ չուտ չունենալու պատճառով դարձաւ շարժական թերթ, որ կարծում ենք, կը վերջնապէս չուտով ինչպէս իր խմբագիրը: Բլանքին կարճահասակ, խուլակալով և կենդանի աչքերով մի մարդ էր: Երբ յայտնի էր ինչպէս լաւ ճառար, ընդունակ և աշխատասէր: Սրա խօսքերը շատ փաղաքուշ և համոզիչ էին, մի խօսքով, այս մարդուն կարելի էր անուանել Ֆրանսիական Մաձձինի (Mazzini): Թաղման հանդէսը նշանակուած էր ժամի տասներկուսին խաղական բուլվարի վրա № 25, այստեղ էր բնակվում հանգուցեալը շատ համեստ կերպով: Նրէկ, ժամի տասին այնտեղ գտնվեցաւ, արդէն այդ ժամին ահագին բազմութիւն էր խռովել դրան առաջ, չը նայելով սաստիկ ցրտին. իսկ ժամի տասնութ մէկին ամբողջ փողոցի և հրապարակի վրա ստեղծվեց տեղ չը կար: Բաղմութիւնը բոլոր աստիճաններէ վերէն էր անդադար. ամեն տեսակ աշխատաւորներ խմբեր կազմած՝ մտնում էին տանը կարմիր դրօշակներ պարզած, որոնց վրա կարծած էին կաղնու տերևները պատրաստած պսակներ: Գրօզակների թիւը հասնում էր մինչև քառասուն, իսկ պսակների վրա կարելի էր կարդալ զանազան վերադարձութիւններ, օր. սիրելի Բլանքին սօցիալիստ հիւանդի ընկերութեան կողմից.— հիւանդութեան պաշտպանին սօցիալիստ կանանց կողմից— և այլն:

Մի թիւրական նամակների, հեռագրների, ծաղկայ փնջերի և պսակների հաշիւը չը կար, որ հասնում էին Ֆրանսիայի բոլոր քաղաքներից և գաւառներից սպաւոր ընտանիքներ: Ժամի տասներկուսին ինչքանից դադարը բեռնաւորված փնջերով և զրին կառքի վրա մի քանի բոլակից յետոյ սկսեց յաղաքակաւորութիւնը: Այս միջոցին երևեցաւ Բոչֆօրը որին ժողովուրդը ողջունեց աղաղակելով.—Vive Rochefort, vive la République Française, vive la Révolution sociale:—Բաղմութեան մէջ, որի թիւը հասնում էր մինչև երեսուն հազարի, կային շատ նշանաւոր անձինք, ինչպէս Լուի Բլան, Լիսապարէ *), օրիորդ Լուիզա Միշլէ, և այլն: Այս վերջինը մահաւանդ յայտնի է իր քաջութեամբ 71 թ. յետադիմութեան մէջ և իբրեւ ամենակատար թշնամուհի պարոն Գամբետային:

Վերջապէս նշնչեցալը հասցրին մինչև Pere-Lachaise կոչուած հանգստարանը, որտեղ մօտ տասը հոգի դամբանական ճառեր կարդացին: ճառարներից մէկը—Eudes—վերջացրեց հետեալ խօսքերով. «O Blanqui! ô victime éternelle, ta vie, tes souffrances, tes exemples, tes conseils, nous jurons, sont à jamais inscrits, dans notre memoire.» այս միջոցին լսեցաւ բազմութեան կողմից—nous jurons—իսկ շատերը գոչեցին «Vive la République Française, Vive Blanqui.» Այսպէս անշիւթ և խաղաղ վերջացաւ թաղման հանդէսը ժամի երեքին, որից յետոյ ամեն մարդ քաշվեցաւ իր տեղը հանգիստ հօգով:...

«Le Rappel» լրագրում կարդում ենք հետեալը «մի քանի երկտասարդ օֆիցիւրներ ուղեորվեցան Կոպլենայէից գէպի Ամէնք յայն զօրքի մէջ ծառայելու թիւրք-յունական մտակայ պատերազմի պատճառով:

Այսօր առաւօտեան մինչև ժամի չորսը ձիւն եկաւ այստեղ. ցուրտը բաւականին զգալի է:

Ուտայց թղթագրամը 100 րուրլին արժէ այժմ 257 ֆրանկ, որը շատ քիչ է մանաւանդ նրանց համար, որոնք քիչ են ստանում տոկոսաւ:

«Le Republique française» գրում է, որ Navarais նաւը մտել է Բրետտի նաւահանգիստը բերելով Նոր-Կալէդոնիայից կոմունարներին, որոնք կը մտնեն Փարիզ յառաջիկայ գիշերը:

Լանդիշ

ԱՐՏԱՔԻՆ ԼՈՒՐԵՐ

—Փարիզից հեռագրում են, որ զինեկաճառների դատաստանական ժողովի ժամանակ Գամբետա, արտասանելով իր ճառը, ի միջի այլոց

*) Այս պարոնը գրել է Կոմունայի պատմութիւնը, որը յայտնի է իբրեւ շատ արդար և աշխատաւոր:

ասաց, որ նա, զինելով զինեկաճառների դրութիւնը, գտնում է, որ նրանց վերաբերեալ օրէնքները չափազանց խիստ են և պետք է փոփոխվեն: Ֆրանսիական ժողովուրդը, ասել է Գամբետա, փորձված է նա կարող է զանազան իսկական գործողութիւնները դատարկ խօսքերից: Սկսած 4-ից սկսված Ֆրանսիական դեմօկրատիան ապացուցեց, որ նա չէ կամենում անիշխանական և անպտուղ լինել: Ահա տալիս է պատգամաւորների ժողովի անդամների ապագայ ընտրութիւնները յաղթանակ կը լինեն ազգի, հանրապետութեան և հայրենիքի համար: Գամբետայի այդ ճառը անընդհատ ծափահարութիւններով ծածկվեցաւ:

—Լօնդօնից հեռագրում են, որ Գլադստօնի առաջարկութեան համեմատ համայնքների ժողովը սկսեց զահական ճառի պատասխանի երկրորդ ընթերցանութիւնը: Ժողովի անդամներից մէկը առաջարկեց պատասխանի մէջ ցանկութիւն յայտնել, որ բաստոսաների երկրի մէջ (Աֆրիկայում) չուտով դադարեցնվի արիւնհեղութիւնը, բայց նա յետ առաւ իր առաջարկութիւնը, երբ կառավարութիւնը յայտնեց, թէ նա սպասում է յարմար դէպքին բաստոսաների հետ համաձայնութիւն կայացնելու համար: Այնուհետեւ պատասխանը երկրորդ ընթերցանութիւնից յետոյ միաձայն ընդունվեցաւ:

—Աթէնքից լրագրիներին հեռագրում են, որ յունական պատգամաւորների ժողովի նախագահը հեռագրելով հրաւիրեց նախնիների մէջ զանալած բոլոր պատգամաւորներին յունվարի 27-ին Աթէնք վերադառնալ ժողովի նիստերը շարունակելու համար:

—Պրուսական սէյմի յունվարի 11-ի նիստի ժամանակ, երբ քննվում էր Հոլանտ գետի և Նապէի մէջ եղած երկաթուղու հարցը, պատերազմական մինիստրը յայտնեց, որ անհրաժեշտ է յիշեալ ճանապարհի համար երկրորդ գիծ կառուցանել, որովհետեւ Ֆրանսիան բոլոր ջանքերը դրած է դնում իր երկաթուղիները լաւացնելու համար: Անդամներից մէկը յայտնեց, որ պետք է զգուշութեամբ հետեւ Ֆրանսիայի գործողութիւններին, մանաւանդ որ նա բացառական միջոցներ է գործ դնում, որպէս զի իրան ապահովի Գերմանիայի յարձակումներից:

—«Հաւասի» ընկերութեանը Մարիլից հեռագրում են, որ կարլիստների մէջ մեծ անհամաձայնութիւն է տիրում: Նրանցից շատերը բաժանվեցին Գոն-Կարլսից:

—Փարիզից հեռագրում են, որ Ֆրանսիական սենատը ընտրեց փոխ-նախագահներ՝ Բամպոնին, Լեօյէին, Կալմենին և Գելարսին, իսկ պատգամաւորների ժողովի փոխ-նախագահներ ընտրվեցան՝ Բրիսսոն, Ֆիլիպպոս և Սոնատ: Պատգամաւորների ժողովի նախագահ ընտրվելու ժամանակ 376 ձայներից Գամբետա ստացաւ 262 ձայներ:

—Գուբլիցից յունվարի 8-ից հեռագրում են, Պարսկի գործի պատճառով մեղադրվածների պաշտպաններից վերջինը այսօր վերջացրեց իր պաշտպանողական ճառը, որ հասարակութեան ծափահարութիւններով ծածկվեցաւ: Պրուսիայի մերժելով պաշտպանողների ասածները, առաջարկեց դատարանին ապացուցանել իր վճռով հաստատութեանը, որ սօցիալական վարդապետութիւնը Անգլիայի մէջ արմատներ չը պետք է գցէ:

—Անգլիական համայնքների ժողովի մէջ, ինչպէս հեռագրում են Լօնդօնից, մինիստր Գլիլ յայտնեց հետեալը. պետութիւնները բանակցում են յունական խնդրի խաղաղ ճանապարհով լուծելու տպահովելու համար: Միջնորդ դատարանի նախագիծը թողված է առանց հետեւանքների: Բ. Գոնից նոր շրջաբերական է ստացված, բայց անկարելի է ասել այժմ, թէ պետութիւնների խորհրդակցութիւնները ինչ հետեւանքներ կունենան:

—Կալիուտայից «Times» լրագրին հաղորդում են, որ Կոլապարի մէջ եղած դաւադրութեան լուրը, որ մի ժամանակ հերքվեցաւ, այժմ հաստատվում է: Այդ դաւադրութեան գործը այժմ քննվում է արեւմտեան Հնդկաստանի մէջ եղած Կոլապար պետութեան դատարանի մէջ: Գտն և Եօթ մարդ բրամիններ և մի անտառականներ դաւադիր են եղել դէմք հաւաքել, պատերազմ սկսել Անգլիայի հետ և կոտորել բոլոր քրիստոնեաներին: Գաւաղիւրները 3000 մինչև 5000 մարդ կողմնակիցներ են գտնել և երեք անգամ ժամանակ են նշանակել ապստամբութիւնը սկսելու համար և ամեն անգամ մի պատահական դէպք

նրանց խանգարել է նրանց դիտաւորութեան կատարելուն, մինչև որ դաւադրութիւնը յայտնվել է տեղական իշխանութեանը: Գատարանում կանչված վկաները ցոյց են տուել հաւաքած զէնքերը և իրանց ժողովների տեղերը:

—«Diritto» լրագրից հաղորդում է, որ Բ. Գուբլի պետութիւնների ներկայացուցիչներին մեկնեց այն պատճառները, որ նրան թոյլ չեն տալիս ընդունել միջնորդ դատարանի մասին առաջարկութիւնը: Այդ պատճառները հետեալներն են. 1) Թիւրքիան, իբրեւ մի անկախ պետութիւն, կարող է բարեկամութեան համաձայնութիւն կայացնել պետութիւնների հետ, բայց անկարող է ենթարկվել այդ պետութիւններից կազմված դատարանի վճիռներին և 2) Թիւրքիայի ոտաւորական դրութիւնը և նրա մի քանի նահանգների էտնօգրաֆիական պայմանները այնպէս են, որ անկարելի է նրանց բաժանել թիւրքաց կայսերութիւնից:

—Այն հանգամանքը, որ Բ. Գրան վերջին շրջաբերականը լաւ տպաւորութիւն գործեց Աթէնայի քաղաքական շրջանների մէջ, մեկնում են նրանով, որ Բ. Գուբլը ցանկանում է նոր բանակցութիւններ սկսել պետութիւնների հետ: Գրանից երևում է, որ թիւրքաց կառավարութիւնը պատրաստ է Յունաստանին աւելի դիւլունքի անել, քան թէ նա որոշել էր անցեալ տարվայ հոկտեմբերի 23-ի իր շրջաբերականով: Առանց այդպիսի պատրաստակարմութեան թիւրքիայի կողմից նոր բանակցութիւնները ոչինչ նշանակութիւն չէին ունենալ:

—Հոմում լինելու է չուտով մի մեծ ժողովը՝ զանալ ժողով: Այդ առիթով խաղական «Capitale» լրագրի մէջ տպված է Տրիեստի ժողովը՝ զական մասնաժողովի նամակը, որ առաջարկում է Գարիբալդին ժողովի ժամանակ ներկայացուցիչ լինել խաղական այն երկրների, որոնք դեռ ևս միացած չեն Խաղական հետ: Նոյն լրագրի մէջ տպված է Գարիբալդի պատասխանը, որով նա կողմնակի կերպով յայտնում է իր համաձայնութիւնը: Մի այլ նամակով Գարիբալդի համաձայնութիւն է յայտնում նախագահ յիշեալ ժողովին:

—Հոմից լրագրիներին հեռագրում են, Այստեղի քաղաքական շրջանները հաւատացած են, որ խաղական կառավարութիւնը թոյլ չի տալ Գարիբալդին Հոմում լինելի ազգային մեծ ժողովի ժամանակ ներկայացուցիչ լինել Տրիեստի այն կուսակցութեան, որ կամենում է այդ քաղաքը Խաղական հետ միացած տեսնել:

«ՄՇԱԿ» ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹՅՈՒՆ

Ս. ՊԵՏԵՐՈՒԹՅ, 21 յունվարի: «Правит. Вѣстн.» լրագրի մէջ տպված է Բարձրագոյն հրաման սենատոր Կօլալէփսկուն՝ վերաբերենել Երէնբուրգի նահանգը և նրա գլխաւոր նահանգապետի վարչութիւնը:

ՍԱՆՖՐԱՆՅԻՍԿՈ, 20 յունվարի: Սյոտեղ հասաւ Սանդիլիւնան կղզիների թագաւոր Կալախաւ: Նա մտադիր է Եւրոպայի և Ասիայի մի քանի երկրների մէջ ճանապարհորդել:

Ս. ՊԵՏԵՐՈՒԹՅ, 21 յունվարի: «Новости» լրագրի լսել է, որ Կովկասեան մարզային հիմնարկութիւնները շուտով կանցնեն Ֆիւնանների մինիստրութեան իրաւասութեան տակ:

Ս. ՊԵՏԵՐՈՒԹՅ, 20 յունվարի: «Голосъ» լրագրին յունվարի 20-ից օրէստայից հեռագրում են, իրաւունք է ստացված համալսարանի մէջ ուսանողների ընթերցարան բաց անելու համար: Նոյն լրագրին հաղորդում են Խարկովից. Տեխնօլոգիական ինստիտուտը կը բացվի աշունքին, բոլոր կարգադրութիւնները արված են: Հոկտեմբերի 10-ին բացվել են առաջին երկու կուրսերը:

Ս. ՊԵՏԵՐՈՒԹՅ, 21 յունվարի: «НОВОСТН» լրագրի լսել է, որ փոստային և հեռագրիների մինիստրութեան մէջ քննվում է մի առաջարկութիւն՝ փոստային մասնակի և բաժինների մէջ պարբերական հրատարակութիւնների ստորագրութիւն ընդունելու մասին:

Խմբագիր—հաստատարող ԳԻՒԳՐՈ ԱՐԾՐՈՒՆԻ